

Sakspapir

Saksbehandler	Arkiv	ArkivsakID
Siren Bruvik Øvre-Helland		23/189

Saksnr	Utvalg	Type	Dato
034/2023	Kommunestyret	PS	15.06.2023

Turveg - Dagsturhytta

Forslag til vedtak:

Rådmannen tilrår at dei kr 250 000 som vart løyvde til turveg i budsjett- og økonomiplanen for 2023-2026 vert overført til Modalen idrettslag. Idrettslaget vert prosjektansvarleg i arbeidet med oppgradering av turvegen inn til dagsturhytta.

Saksopplysningar:

Bakgrunn:

Olav Nygard bu, som er plassert ved Steinavatnet i Stølsheimen, hadde offisiell opning 11. juni 2022. Dette er blitt eit populært turmål, sumar vel som vinter. For å gjere turen tilgjengeleg for fleire, er det naudsynt å gjere oppgraderingar av turvegen på høgre side av Steinavatnet. Dette vil vere eit viktig folkehelseiltak for alle aldersgrupper. I økonomiplanen vart det for 2023 satt av kr 250 000 til opparbeiding av turveg inn til dagsturhytta. Desse løyvingane må òg sjåast i samanheng med tiltak i Kulturplanen 2020-2029 som omfattar turvegar, turstiar og sykkelvegar.

Me ynskjer at Modalen idrettslag skal stå som prosjektansvarleg i dette arbeidet. Utbetring av turvegen vil vere eit samarbeid mellom Modalen kommune og Modalen idrettslag.

Vurdering:

Å ha eit frivillig lag eller organisasjon som prosjektansvarleg vil gi moglegheiter for tildeling av ulike tilskotsordningar. Modalen idrettslag vil ha moglegheit til å søkje på tilskotsmidlar frå offentlege instansar, samt frå private fond og stiftelsar. Moglegheita for å søkje tilskot til prosjektet vert betydeleg redusert dersom det er Modalen kommune som er prosjektansvarleg. Me ser at andre kommunar som har gjennomført liknande prosjekt har løyst det på same måte.

Det vil bli satt ned ei arbeidsgruppe med representantar frå både Modalen kommune og idrettslaget for å drive prosjektet framover. Dette vil gje auka kapasitet og kunne sikre god framdrift slik at prosjektet kan verte gjennomført.

Me har stor tru på at eit slikt type samarbeid vil vere nyttig. Om dette prosjektet vert ein suksess, vil det kunne vere utgangspunkt for fleire samarbeidsprosjekt mellom kommune og frivillige lag og organisasjonar i framtida.

Konklusjon

Eit samarbeid mellom Modalen kommune og Modalen idrettslag i dette prosjektet vil gje auka moglegheiter for tildeling av tilskot. Me kan dermed få meir ut av dei midlane me har til rådighet og kunne tilretteleggje større delar av strekninga. Rådmannen tilrår at dei kr 250 000 som vart løyvde til turveg i budsjett og økonomiplanen for 2023-2026 vert overført til Modalen idrettslag.

Vilkår: Det vil bli utarbeida ei klausul for prosjektet. Pengane vert øymerka oppgradering av turvegen inn til dagsturhytta. Om ikkje prosjektet vert gjennomført i tråd med det som vart løyvd til turveg i budsjett og økonomiplan 2023-2026, må pengane tilbakeførast til Modalen kommune. Prosjektet må gjennomførast innan 31.12.23.

Kommunestyret - 034/2023

KS - behandling:

Ordførar innleia i saka.

Kommunestyremedlem Siren B. Øvre Helland er ugild i saka, då ho er konsulent for kultur og fritid og står som sakshandsamar for saka.

Kommunestyret vurderte om kommunestyremedlem Ole Kristian Øvre Helland er uild, då han er gift med sakshandsamar i saka. Kommunestyret vurderte at kommunestyremedlem Ole Kristian Øvre Helland er gild i saka.

Konsulent for kultur og fritid orienterte om saka og framlegget til vedtak. Det er ein føresetnad at midlane vert øymerka prosjektet og at dei skal tilbakeførast dersom dei ikkje vert nytta.

Kommunestyret drøfta tidsfrist for tilbakeføring og den praktiske gjennomføringa av prosjektet. Det vart mellom anna peika på medlemsskap i BOF.

Rådmann orienterte nærare om vurderingane kring økonomi og fondsbruk knytt til prosjektet, og korleis eit samarbeid med frivillig lag- og organisasjonar vil styrke dette.

Samrøystes vedteke

KS - vedtak:

Rådmannen tilrår at dei kr 250 000 som vart løyvde til turveg i budsjett- og økonomiplanen for 2023-2026 vert overført til Modalen idrettslag. Idrettslaget vert prosjektansvarleg i arbeidet med oppgradering av turvegen inn til dagsturhytta.

Vedlegg:

Avtale mellom Modalen kommune og Modalen idrettslag